


Servicemonteur/in Sanitär 60-100 %



Mir sueche Di für üses motivierte Team per sofort oder nach Veribarig. Mir si e Sanitärbetrieb im Ruum Burgdorf. Mir bediene üsi Kundinne und Kunde ir Region Burgdorf und Bätterkinde.

Ir Serviceabteilig hei mir es füfer Team. Ds Materiau wird dir gröschte Teils düre Serviceleiter vorbereitet u Termine wärde dür ds Büro koordiniert.

Üse Umgang isch unkompliziert, diräkt u familiär.

Du hesch e Lehrabschluss aus Santiärmonteur/in EFZ, dänksch mit, bisch säubständig u chunnsch ou bi grössere Herusforderige nid grad is tripple. Kundekontakt ligt Dir u Du bisch e Teamplayer.

Du wirsch Service-, Ungerhauts- und Reparaturarbeite erledige. Ab und zue chas ou mau si, dass Du Ufnahme machsch, so dass ds Büro när cha d'Offerte ersteue.

Mir überneh für Di Parkplatzgebühr u ds Kafi u dr Tee göh ou uf üs. Mir düe öpe mau übere Mittag zämä es Fondu ässe oder im Summer dr Grill afüüre.

Ds Arbeitspensum wird zwüsche 60 - 100 % si. Üsi Arbeitswuche het 40 Stung, mir hei kei Pikettdienst u öpe a de haube Fritinamitäg im Jahr hesch du frei.

Füesch Du Di agsproche u das wär öpis für Di, de mäud Di gärn bi üs. Schick üs Dini Bewärbig uf bewerbung@astb.ch oder lüt ganz eifach ah uf 034 420 21 50.